

Edishon 13

Den e edishon aki:

- 1 Introdukshon.
- 2 Orashon di Papa Francisco pa e Aña di Mizèrikòrdia.
- 3 Pa Bo Sa (desaroyo spiritual).
- 4 Kontinuashon: Pa Bo Sa (desaroyo spiritual).
- 5 Scouting ta bibu den Parokia Maria Auxiliadora.
- 6 Lès di Bida.
- 7 Grupo di Scout Don Bosco.
- 8 Aktivitat Spiritual: Weganan pa siña kompartí
- 9 Potrètnan di: Boutismo - Promé Santa Komunion i Konfirmashon.

Un Kristian mas, Boutismo di 'Ziatra Luna Bencosme' Rowan di Cariben ,... durante selebrashon di klousura aña 2014 di Cariben



Los jóvenes no sólo deben ser amados, sino que deben notar que se les ama.
- Don Bosco -

Introdukshon:

Speransa,

Un aña nobo ta warda nos yen di oportunidat. P'esei, ta nesesario pa kontemplá i reflekshoná. Ta nesesario pa nos ta, nos mes i pa deskubrí e bunitesa di Señor su kreashon, tantu pafó di nos, pero spesialmente den nos mes; pasobra
“... Dios a krea nos, El a traha nos paresido na dJE ...”
(Gen 5,1)

Nos dilanti tin un horizonte di oportunidat, Ku nos por realisá solamente si nos keda ku nos bista fiha riba Señor;
“... Pa esun ku ta konfia nada no ta imposibel.”
(Marko 9,23-24)

E tempu aki di aña, nos ta eksperensia ku e Lus di Pasku ta trese legria, ta lusa nos bida. Bon mira tur dia di nos bida, nos por habri nos kurason i pèrmití e Lus di Kristu, bria den nos bida.

P'esei, para ketu, kontemplá, reflehá i deseá ... Deseá for di profundo di bo kurason, i biba e fe ku Kristu a planta den dje.
“Señor konosé e plannan ku E tin pa kada un di nos; ... E ke nos felisidat,....; E ta primintí nos un futuro yen di speransa.”
(Yeremias 29,11)

De hoop

De hoop in het leven,
De hoop die je zoveel meer kan geven.

De hoop waar je voor vecht,
De hoop die je niet naast je neer legt.

De hoop geeft je net de zet in de juiste richting.
De hoop laat je net het juiste weggetje volgen.

Dus geef de hoop nooit op,
Ook al is niet nog zo moeilijk.
Zonder er voor te knokken kom je nergens,
Maar als je het probeert kom je nog eens ergens.

*Ku e Kompas Spiritual aki ta di gran bendishon pa bo.
Bon Pasku i Felis aña nobo!
Komishon Pastoral Scouting Antiano*

Orashon di Papa Francisco pa e Aña di Mizèrikòrdia



Señor Hesukristu,
Bo a siña nos di ta mizèrikòrdioso manera Tata na shelu
i Bo a bisa nos ku ken ku mira Abo ta mira Tata.
Mustra nos bo kara i nos lo ta salbá.
Bo mirada mizèrikòrdioso
a libra Zakeo i Mateo for di sklabilitut di plaka,
a libra e muhé adúltero i Maria Magdalena
di buska nan felisidat den hende so;
a pone Pedro yora despues di su traishon,
i a sigurá Paraiso na e ladron arepentí.
Laga kada un di nos skucha e palabranan
ku bo a papia ku e muhé samaritano manera dirigí na nos,
"Si bo tabata konosé e don di Dios!"
Bo ta e kara visibel di e Tata invisibel,
di e Dios ku ta manifestá su poder riba tur
pa medio di pordon i mizèrikòrdia:
Laga Iglesia sea den mundu e Kara visibel di Bo,
ku ta su Señor resusitá i glorifiká.
Bo ta deseá pa bo ministronan sea bistí ku debilidat
pa asina nan por sinti kompashon
pa esnan ku ta kana den ignoransia i eror;
Laga pa kada un ku ta aserká nan,
sinti nan mes akohé, stimá i pordoná pa Dios.
Manda bo Spiritu i konsagrá nos tur ku zeta di salbashon
pa asina e Hubileo di Mizèrikòrdia sea un aña di grasia di Señor,
I bo Iglesia, ku entusiasmo renobá,
por trese e bon notisia pa pobernan,
proklamá libertat na prisioneronan i esnan oprímí
i debolbé bista na siegunan.
Nos ta pidi Bo, Señor Hesus,
pa interseshon di Maria, Mama di Mizèrikòrdia,
Abo ku ta biba i reina ku Tata i ku Spiritu Santo
den tur siglo di siglonan.
Amèn



Pa bo Sa (desaroyo spiritual)

Kon nos ta defendé nos fe Katólíko sin bira agresivo i lanta bos?

Sea semper kla pa duna kontesta na esun ku pidi un splikashon di e speransa ku boso ta karga. (1Pedro3:15)

Mi a haña mi ku e situashon ku hopi hende ta bisa ku nos katólikonan no por defendé nos fe. Especialmente kontra otro religionnan òf asta no kreyentenan ku ta ataka nos i purba kuestioná i redikulisá nos Iglesia. Mi a nota ku tin biaha asta nos mes katólikonan ta hasi nan mes kulpabel na kuestioná (públikamente) e fe ku nos ta profetisá.

Kiko ta e problema?

- Nos no tin suficiente konosementu di nos fe katólíko pa duna un kontesta na e atakenan?
- Nos no sa òf konosé beibel suficiente?
- Nos fe ta tambaliá òf ta fofo?
- Nos tin miedu di ku hende lo tenta òf hari nos?

Meta di e artíkulo aki ta pa duna konfiansa den bo mes i asina bira un defensor di bo fe. No tene bèrgwensa Spiritu Santu ta iluminá tur ku ta kere.

Mi a topa ku dies prinsipio pa un bon komunikashon di nos fe¹.

1. Restrukturá i reformulá. En bes di trata na argumentá riba e totalidat, konsiderá na parti e mensahe den partinan mas kòrtiku. Asina bo ta duna un análisis di e asunto. Si bo reformulá e mensahe e ta yuda bo splika e historia diferente. Pero e ta nifiká tambe prepará bon. Na momentu ku bo reformulá e komentario, e ta duna bo un chèns pa bai buska mas informashon i idea. E dokumento ta bira di bo. Algu bisa den bo mes palabra.
2. Mostra lus, no kandela. E propósito di nos komunikashon mester ta pa iluminá. Nos no ta buskando moda di konvertí otronan òf di forsa un hende pa kere. Si esei sosedé grásias na Dios. Nos ke purba yuda hende komprondé kiko nos Iglesia ta para pe. Nos ta buskando maneranan nobo pa punto di bista.
3. Pensa den tres. Pensa ku ora bo ta prepará un diskurso òf algu asina, di parti bo mensahe den tres parti. Por ta bo no ta kaba tur tres pero e mente ta haña tres manera fásil pa kòrda. Papa Francisco tambe ta parti su predikashi den tres punto. Si bo a reformulá bon, e promé lo trata e kritiko positivanan. Den e dos otro puntonan lo amplia mas e horizonte.
4. Hende lo no kòrda kiko bo a bisa pero si kon bo a laga nan sinti. E mihó komunikashon ta ora hende ta sintínan balorá i protehá. Nan ta mara na otro buskando moda di komprondé i kompartí. Pues e efekto di bo palabranan riba otronan. Nos tarea ta pa sirbi e Bèrdat mas mihó ku nos por.

¹ Saka for di e buki *How to defend the faith*, Austen Ivereigh and Kathryn Jean Lopez

Kompas Spiritual

Desèmber 2015

- Den e sirbimentu di e bèrdat aki nos ta buska sivilisashon, empatia i klaridat. Kon mi ta pone e otro sinti? Inspirá òf bati? Ansioso pa mi sigui òf ke mi stòp?
5. Demostrá no djis papia. No djis bira tresedó di mensahe pero bira un disípulo ku ta deleitá ku historianan ku ta kompartí. Kòrda puntra bo mes kiko ta bo kuenta i despues kon ta e mihó manera pa kont'é, purba di ta konsiso, skèrpi, gráfiko i ku pashon.
 6. Kòrda loke bo a bisa "SI" pe. Iglesia no ta un polis moral e ta mas manera mama Teresa inklinando na buska esunnan lubidá i enfermo òf manera Papa Francisco na Plasa San Pedro semper ku un sonrisa riba su kara. Tene e imágennan ei den bo mente ora abo ta papia di Iglesia. Asina bo no ta un kontadó pero un angel mustrando un horizonte briante.
 7. Kompashon ta kontá. Porta e persona ku bo ta den diskushon òf kombersashon kuné ta deprimí, malu òf ofendí. Dios i Iglesia ta un salida komun pa rabia i frustrashon. Ta kompasivo ta nifiká komprondé ku e rabia i herida ta relatá na e ser humano. Iglesia, manera Papa Francisco ta bisa, riba tur kos ta un mama i no un polis òf moralista. Demostrá di ta empátiko i un bon skuchadó kla pa absorbé rabia i herida.
 8. Sifra no ta tur kos. Hopi bes nos ta uza sifra pa purba splika. No papia di 33.5 porshento pero un di kada tres.
 9. Ta un testimonio, no ganadó den un diskushon. Hopi bes ora nos ta diskutí ku otro nos tin prewiso i ta purba konvensé e otro ku ta nos tin rason. Tur e desafionan aki mester ta pa nos un oportunitat di ta un testimonio. E deseo di diskutí pa muestra ku ta nos a gana. Rivalidat, viktoria, gana i pèrdè, nan i nos tur ta mentalidat di mundu. Hesus a muestra nos otro. Wak e evangelio di Huan. Hesus nunca a respondé ku agreshon pero semper ku amor. Ta loke bo ta representá.
 10. No ta trata di abo. Bo miedu, muchu konfia i defenza tur ta produkto di un ku ta protehá su ego. Pensa riba Huan Boutista. Un komunikado sin miedu, su forsa ta bini di sa ku e ta e porta dor di kua otronan ta yega serka Kristu.

Esaki rumannan ta djis un krenchi di konosementu, pa hiba nos mas profundo di e sensia: Apologeniko. Ta na nos tur komo bon katóliko pa buska e konosementu i sabiduria spiritual. Lesa bo beibel, bai misa partisipá na gruponan apostóliko studia kadisashi. Pa asina nos tur ta un fiel defensor di nos fe Katóliko. Kòrda abo por hasi tur kos pa medio di esun ku ta duna bo forsa. (Fil 4.13)

One child forever changed our world.

Will you change one child's life?

Scouting ta bibu den Parokia Maria Auxiliadora

Aña 2015 nos a habri den parokia Maria Auxiliadora i esaki a inyekta nos Pastor Reyes positivamente.

Pastor Reyes a enkargá Tic Tac Gilda Zalm ku e área di Scouting den nos parokia, no solamente pa e servisio na nos parokia pero pa e pueblo di Santa Maria sera konosí ku e habitantenan ku ta scout i ta partisipa aktivamente den nos parokia maske den kua grupo nan ta.

Baden Powell dag Tic Tac Gilda Zalm su grupo di hóben ku ta den preparashon pa Konfirmá den kua tin 2 scout. Tabatin e turno pa hasi e misa di hóben. Nos a konsentrá riba Scouting den nos bida i den nos iglesia ku un obra ku a wòrdu trese den ofrenda. Kaminda e bida di naturalesa, e tèt ta parti di e henter e tema.



Aunke un poko leu saka tòg por mira e kampterein huntu ku e donnan di Spiritu Santu, beibel i rosario i kara di nos dushi Mama Auxiliadora.

I un potrèt mas di tur scout den unifòrn na misa e dia mainta ei. Hopi kolo di dashi 1 parokia.



Anto nos ta sigui paso den luna di April – Luna di Scouting aki tambe nos parokia a sòru pa Scout nan tabata inkluí den nos misanan vooral Djaweps Santu pa labamentu di pia i Djasabra di Aleluya Grupo St. Antonius su sekshon di Rowan a sòru pa e kandela ku Pastor a sende e bela di Pasku na dje. I nan a marcha den proseshon masha impreshonante pa drenta misa ku e sirio Paskual. Tin hopi potrèt ma djis algun bista di nos scoutnan parokiano riba djaweps Santu 2 april 2015.



Hòpman Erno Cordilia (St. Tharcicius groep)



Welp Levion Gomez di St. Antonius gr1 ku e aña aki ta hasi su Promé Santa Komunjon via di Scouting Antiano.



Ounke no den unifòrn e la representá e hóbenan di Konfirmashon Verkenner Lui' Angelo Kwidama di St. Antonius gr1

Danki na e tata di un welp di Pader Amado Römer groep pa e pic nan di BP Day.

Danki na Sra. Luxanne Kwidama-Job pa e pic nan di Djaweps Santu.

A raporta pa Komishon Pastoral di Scouting Antiano for di nos dushi Parokia Maria Auxiliadora, Tic tac Gilda Zalm.



Apertura di aña 10-01-2015



Misa di Hubentut 31-01-2015



BP-DAY 22-02-2015



Delegashon World Jamboree Japon

Lès di Bida

Tabatin un hòmbèr ku tin kuater yu.
E tabata ke pa su yunan siña di no huzga kosnan lihé.
Asina ta ku e la manda nan kada un bai ku un mishon, i bini bèk.
Nan ta tin ku bai wak un palu di Pera ku tabata keda basta 'un
pida leu for di nan kas.

*E promé a bai den Wenter
E di dos a bai den Lènte
E di tres a bai den Zomer
Anto esun mas yòn a bai den Hèrfst.*

Ora nan tur a bai i bolbe bèk, e la yama nan tur huntu pa
deskribí kiko nan a mira.
E promé a bisa ku e palu tabata mahoso, doblá i trosé.
E di dos a bisa, nò e tabata kubrí ku boton(kònòpi) bèrdè yen di
promesa.
E di tres yu no tabata di akuerdo, e di e tabata kargá ku flor ku
tabata hole asina dushi i asina bunita, tabata e kos di mas
presioso ku e la mira den su bida.


E último yu no tabata di akuerdo ku nan niun i e di, e tabata
hecha i yen di fruta ku tabata kologá, yen di bida i
kumlimentu.

E ora ei e hòmbèr a splika su yunan ku nan tur tin rason, pasobra
nan tur a mira un temporada di e palu su bida. E la bisa nan ku
bo no por huzga un palu òf un persona pa solamente un
temporada, i e esensia di ken nan ta i e plaser, goso, i amor ku
ta sali for di e bida ei por wòrdu midí solamente na final, ora tur
e temporada nan pasa.

Si bo entregá ora ta Wenter, lo bo pèrdè e promesa di bo Lènte,
e bunitesa di bo Zomer, i e kumlimentu di bo Hèrfst.

Moral di e historia: No laga doló di un temporada destruí tur
esnan sobrá.
No huzga bida pa un difikultat di temporada.

**Perseverá durante tempunan difikultoso i tempu bon lo bini sigur
tardi o tempran.**



Kompas Spiritual

Desèmber 2015

Grupo di Skout Don Bosco

Den aña nan 50 Grupo di Scout St. Antonius di Katholieke Verkenners tabata un grupo grandi ku 4 Troep. St. Antoius Troep 1, 2, 3 i 4. St Antonius Troep 4 tabata reuní na Buena Vista den St. Laurentiuschool.



St Antonius Troep 4 a bira Don Bosco Groep, un grupo riba su mes. Nan a keda reuni den St Laurentiuschool kaminda nan ta reuni te awe ounke e skol a kambia di nòmber. Awendia e ta SKAIH. E promé Groepsleider tabata Broeder Otto ku tabata kabes di skol na St Larentiuschool. E fecha di nasementu di e grupo tabata dia 31 di Yanüari 1957, fiesta di San Juan Bosco.

E segundo Groepsleider, pa un tempu kòrtiku, tabata broeder Theofried. (broeder Theo) Kuminsamentu di añanan 60 Broeder Otto mester a bai ku "buitenlands verlò" pa 6 luna i broeder Theofried a tuma mando di St. Laurentiuschool i Don Bosco Groep pa 6 luna. E mes ta komentá "Ik was Groepsleider voor 6 maanden zonder dat ik een platte knoop kon maken. Dit zou niet mogelijk geweest zijn als ik een zekere Vaandrig Carolina niet had die alles voor me deed"

E Vaandrig Carolina aki tabata Robert Carolina ku a bira hopman despues i e di tres Groepsleider di Don Bosco Groep.



Añanan ku hopi kos tabata sosodé den grupo Don Bosco. Nos a konosé un grupo di yudo den grupo, e bandanan "Swinging Scouts", "New Scouts" i tim di Vòli "Don Bosco" den Hoofdklasse.

Na aña 1974 Sidney Paulina (Nichy) a instalá komo Groepsleider di Don Bosco Groep i Ezzard Ignacio (Dja) komo Hopman.

Akela Melba a retirá den e tempu aki Akela Maida a tuma mando di Horde te aña 1985 kaminda Brini Viceisza-Matina (Akela Brini) a tuma rienda di Horde.

Lat den añanan 70 Dja a instalá komo groepsleider i Richinel Provacia (Nel) komo Hopman di Don Bosco.

E siguiente dos kabesantenan di Troep di Don Bosco tin algu speshal ku nan, mira den e ámbito di Don Bosco.

E promé ta Richard Engelhardt (Hopman Chat) ku ta hasi aña dia 31 di Yanüari, dia ku grupo Don Bosco ta hasi aña i dia ku San Juan Bosco a muri. (Fiesta di San Juan Bosco)

E segundo ta Regis Mercera (Hopman Regis, nos presidente di Scouting Antiano) ku ta hasi aña dia 16 di Ougùstùs, dia di nasementu di San Juan Bosco.

Grupo Don Bosco ta bai selebrá su di 12 lustro den 2017. Nos lo di selebrá nos di 10 lustro na diferente manera. Un punto kardinal den e selebrashon ta un kampamentu den eksterior ku nos hóbennan.



Weganan pa siña kompartí

Wega pa kompartí espasio



Un wega pa siña e mucha kompartí espasio ku otro. E muchanan ta forma un trein. Nan ta tene otro na sintura. Un hende ta toka riba un tambú i e trein tin ku move. E ta toka pura pura, poko poko, sosegá, stòp, sigui pura etc. E trein tin ku move manera e zonido ta. I e muchanan tin ku move sin dal den otro. Pues tene kuenta ku otro i kompartí espasio.

Wega pa siña kompartí i práktika hustisia.

Material

- Buskuchi
- Krayon
- Papel



Kompartí krayon

Duna kada mucha un papel pa pinta. Duna e grupo un kantidat di 6 krayon. Splika e muchanan ku nan mes mester buska un manera hustu pa kompartí e krayonan. Na final di e tarea e muchanan ta mostra nan pintura i splika kon nan a disidí di kompartí e material.

Kompartí hustu



Duna e muchanan un baki di buskuchi (suficiente ku tur por haña un kantidat). Pone e kantidat di manera ku nan no por parti igual, pues pa sobra maske ta 1 mester ser kompartí.

Laga e muchanan mes deskubrí un manera pa kompartí e buskuchinan hustu. Despues e muchanan ta konta kon nan a solushoná e problema.

Komersá tokante di e wega aki

Puntra e muchanan di kon ta importante pa kompartí?

Laga e muchanan menshoná algun forma ku bo por kompartí kos, por ehèmpel buki, kos di hunga etc.



Guia Informativo basa riba formashon Spiritual
pa miembronan di Scouting Antiano

Kompas Spiritual

Desèmber 2015

Boutismo - Promé Santa Komunion - Konfirmashon



Di nos Scoutnan di Scouting Antiano den 2015